

Policija u Modriči uhapsila bračni par nakon što su ih zatekli da uzgajaju konoplju

Policija u Modriči jučer je pronašla i uništila zasad na kome je bilo uzgojeno šest stabljika indijske konoplje visine od 90 do 110 cm.

Obilazeći mjesta pogodna za uzgoj indijske konoplje, u šumarku na obali rijeke Bosne u mjestu Modrički Lug, u općini Vukosavlje, zatekli su bračni par S.B. i N.B. iz Odžaka, u Federaciji BiH, kako zalijeva uzgojene biljke indijske konoplje.

S njima u društvu nalazio se i njihov sedamnaestogodišnji rođak. Na licu mjesta zatečene su i oduzete plastične kante za vodu i jedno pakovanje umjetnog đubriva (70 kg).

Oduzete stabljike indijske konoplje bit će prosljeđene na vještačenje. Nad S.B. i N.B. je izvršena kriminalistička obrada.

Po dokumentovanju protiv bračnog para Okružnom javnom tužilaštvu Doboj bit će podnesen izvještaj o počinjenom krivičnom djelu neovlašćena proizvodnja i promet opojnih droga.

Zasad indijske konoplje pronađen je u sklopu akcije „Plantaža 2017“. (Fena)

60

SHARES

[_ Share on Facebook](#)

[_ Tweet](#)

[_ Follow us](#)

[_ Share](#)

[_ Share](#)

[_ Share](#)

[_ Share](#)

[_ Share](#)

Date: 20-07-2017